


Тошкент вилояти

ҲАЁТ ЙЎЛЛАРИДАН ТЕРИЛГАН ЖАВОҲИРЛАР

Ҳожиакбар Ҳамидов нафақат эл суйган хонанда, балки узоқ йиллардан буён мамлакатимиз илм-фани ривожига салмоқли ҳисса қўшиб келаётган таниқли олим ва иқтидорли ижодкорлардандир.

У санъат соҳаси билан илм-фани бирдай ардоқлаб, ҳар иккала йўналишда катта ютуқларга эришиб келмоқда. Ўтган даврда республикамиздаги қатор олийгоҳларда кадрлар тайёрлашда алоҳида жонбозлик кўрсатган олим айни вақтда Тошкент ирригация ва қишлоқ хўжалигини механизациялаш муҳандислари институтининг "Гуманитар фанлар" факультетида фаолият юритмоқда. Тарих фанлари доктори, профессор илмий даражаларига эга.



Шу билан бир қаторда Ўзбекистон Республикаси "Турон" фанлар академиясининг академиги, 2016 йилдан эса ушбу нуфузли даргоҳнинг вице-президенти ҳисобланади. У мамлакатимиз тарихини ўрганувчи, айниқса, ўзи туғилиб ўсган маскани ўтмиши билан боғлиқ қадимий битиклар, осори-атиқалар тафсилотлари билан боғлиқ кечмишларни тадқиқот қилувчи инсонларни алоҳида қадрлайди. Мана шу нуқтаи назардан қарайдиган бўлсак, тарихчи олим ва Пискентнинг жонқуяр фарзанди, бутун умрини ёш авлод тарбиясига бағишлаган тажрибали педагог, халқ таълими аълочиси, изланувчи тарихчи ҳамда ўз ижод намуналари билан таниқли бўлган Ориф Ҳожи Обидов (Бискандий) билан кўп йиллик дўстона ва ижодий алоқаси ҳар жиҳатдан ибратлидир. Саксон бир ёшли устоз мураббийнинг узоқ йиллардан буён амалга ошираётган изланишлари ва ижодини эътибор билан кузатиб келаётган тарихчи олим яқинда хайри бир ишга қўл урди. Унинг ташаббуси ва муаллифлигида Ориф Ҳожи отанинг Пискент тумани тарихига оид турли нашрларда чоп этилган мақолалари ҳамда катта ҳажимдаги бошқа ижод намуналарини ўзида жамлаган Пискентнинг маърифатпарвар, серкирра ижодкор фарзанди номли китоби босмадан чиқди.

Адабий, бадий ва тарихий асар ҳисобланган ушбу рисола наср ва назм йўналишида бўлиб, унда Ориф ота томонидан ўзи туғилиб ўсган воҳа ўтмиши, хусусан маданий ёдгорликлар ҳисобланган қадамжолар Пушти Маҳмуд тепалиги, Бўрижарнинг ўтмишидаги ҳолати, Мингтепа, Ҳазрати Бузрук мақбараси тарихи чуқур таҳлил қилинган ҳамда таниқли археолог олимларнинг тадқиқотларидан фойдаланилган ҳолда ишончли манбалар билан кенг ёритилган. Бобурийлар авлодларига, Пискентнинг ўтмишида ёрқин из қолдирган Иккинчи жаҳон уруши иштирокчилари, жумладан, урушда афсонавий қаҳрамон сифатида эътироф этилган Гастелло жасоратини тақдорлаган учувчи, экипаж аъзоси Мирза Пўлатов, мамлакатимиз тиббиётда ортопедия таълимотига асос солган машҳур жаррох, тиббиёт фанлари доктори, профессор Насриддин Шоматов, энг оғир даврларда туман миқёсида кизгич фаолият юритган Муҳаммадҷон Ҳозиев, ёзувчи ва публицист Маҳид Самадовлар ҳаётига алоҳида ўрин берилган. Шунингдек, китобдан Ориф Ҳожи Бискандийнинг турли йилларда ёзилган кўплаб шеърлари, газаллари, мухаммас ва туюқлари ҳам жой олган. Асар Ўрта Осиё халқаро тарихи институти қошидаги "Турон" фанлар академияси илмий

кенгашининг қарори билан нашрга тавсия этилган. Тарих фанлари доктори, профессор К.У. Эргашев ва Ф.И.Эрназаровлар тақризи остида, масъул муҳаррир фалсафа фанлари доктори, профессор Қиём Назаров раҳбарлигида чоп этилган. Китоб давлатимиз раҳбарининг беш эзгу ташаббуслари билан илгари сурилган устувор вазифалар тарғиботига ҳар жиҳатдан ҳамоҳанглиги билан аҳамиятлидир. Чунки улуғ ёшдаги халқ таълими фахрийси ўзининг навқирон авлод тарбиясига дахлдор кўп йиллик бой тажрибаларига таяниб, мақола ва шеърларига миллий истиқлол гоъларини, одоб ахлоқ намуналарини ҳамда ватанпарварлик туйғуларини сингдиришга ҳаракат қилган ва бунга эришган. Унда ҳар бир инсоннинг бахтли яшаши учун аввало таълим олиши, кўп китоб ўқиши, вақтдан самарали фойдаланиб, астойдил изланиши позимлиги илгари сурилган. Теъран маъноли ҳикматлар гулдастаси ҳисобланган мазкур китоб ҳақида таниқли шоира Фарида Афрўз ҳам илиқ фикрлар билдирган.

Фурсатдан фойдаланиб, устоз ижодкорни ушбу ажойиб асар билан чин дилдан муборакбод этамиз.
ИБРОҲИМ ТОШЕВ,
"Qishloq hayoti" муҳбири.

ЁШ КИНОИЖОДКОРЛАР ТОМОНИДАН 18 ТА ҚИСҚА МЕТРАЖЛИ ФИЛЬМ ИШЛАНМОҚДА

"Ўзбекино" Миллий агентлиги "Ёшлар ижодий-тажриба студияси" томонидан "Дебют" ёш киноижодкорларнинг сценарийлар танлови асосида 18 та қисқа метражли фильм ишланмоқда.

– Жараён давомида сараланган сценарийларнинг тўлиқ мукамаллиги кўздан кечирилиб, режиссёрлик сценарийлари ишланди ҳамда қабул қилинган ишларга гуруҳ шаклланишида амалий ёрдам кўрсатилди, – дейди "Ёшлар ижодий-тажриба студияси" директори Азиз Қурбонов. – Ёшлар истеъдодли, янгиликлар ва инновацион фикрлаш доираси юқори. Ишда уларга барча зарур шароитларни яратиб беришга ҳаракат қиламиз. Энг муҳими, маъноли,

савияли фильмлар ишлаши- миз керак.

Тасвирга олиш гуруҳларига 19 октябрдан суратга олишга рухсат берилган. "Дебют" танлови доирасида "Қовун пишганда", "Чуқурқишлоқ шамоли", "Кичкина катта одам", "Ният – дастлабки муваффақият", "Баҳс", "Тандир", "Рўмол", "Ўлик", "Илинж" каби қисқа метражли фильмлар суратга олинади.

Қисқа метражли фильмларни тасвирга олиш ишлари шу йилнинг декабрида тугатилиши кўзда тутилган.

101" ОҒОҲЛАНТИРАДИ

УЙИМИЗ ҲАМ, КҮНГЛИМИЗ ҲАМ ТИНЧ БЎЛСИН!

Инсоният азалдан олов билан ҳамнафас яшаб, ундан ўз эҳтиёжлари учун фойдаланиб келган. Бироқ оловдан фойдаланишнинг ҳам ўз йўли, қондалари бор.

Шуларга тўғри амал қилинсагина ҳаётимиз бежавотир ва осуда кечади. Кундалик турмушимизда ўзи оддий аммо аҳамияти катта бўлган йўл-йўриқлардан доимо оғоҳ бўлмоғимиз даркор. Зеро, олов билан ҳамнафас ҳаётимиз биздан доимо хушёр бўлишни талаб этади. Оддий бир мисол: болаларнинг гуғурт, олов билан ўйнашлари оқибатида ёнғин келиб чиқиши мумкин. Қаранг, озгина эътиборсизлик ҳам кўпинча катта офатга сабабчи бўлади.

Кўп бора таъкидланадики, уй-рўзгор юмушларини бажаришда электр асбобларининг фақат соғларидан тўғри фойдаланишимиз шарт. Одатда, тандирхона ва ошхона бинолари хавфсиз, очиқ жойда қурилади. Уй томларида ҳар хил ёнувчи буюмлар, иккиламчи уй-рўзгор жиҳозлари сақланмайди. Табиий газни резина шланглар орқали улаш ҳам тақиқланади. Айниқса, тунда газни ёниқ қолдириш ярамайди. Чунки тунда газ босими ортиб, бахтсиз ҳодиса содир бўлиши мумкин. Бунинг учун сизу биздан озгина кунт кифоя. Шунда уйимиз ҳам, кўнглимиз ҳам тинч бўлади.

Д.ҚУЧҚОРОВ,

Тошкент тумани ФВБ етакчи инспектори.

РЕКЛАМА

Qishloq hayoti

АЗИЗ ЮРТДОШЛАР!

Мамлакатимизда амалга оширилаётган ижтимоий-иқтисодий ислохотлар, хусусан, қишлоқ жойлардаги улкан бунёдкорликлар, одамлар онгу тафаккуридаги ўзгаришлар, қишлоқ ҳаётининг жонли манзаралари билан танишиш истагида бўлсангиз,

"Qishloq hayoti"

ГАЗЕТАСИ УЧУН 2021 ЙИЛГА ОБУНА БЎЛИШГА ШОШИЛИНГ

Бунинг учун обуна уюштирувчи ташкилотларга, шунингдек, тахририятнинг ўзига ҳам мурожаат этишингиз мумкин.

НАШРИМИЗ ИНДЕКСИ – 144

МУРОЖААТ УЧУН ТЕЛЕФОНЛАР: 236-26-50, 233-44-43, 233-28-04.
ФАКС: 233-44-43. E-mail: info@qishloqhayoti.uz

ФЕРМЕР ВА ДЕҲҚОН ХЎЖАЛИКЛАРИ, ТОМОРҚА ЕР ЭГАЛАРИ ДИҚҚАТИГА!

«ЧИРЧИҚ ҚИШЛОҚ ХЎЖАЛИГИ ТЕХНИКАСИ ЗАВОДИ» АЖ

Куйидаги қишлоқ хўжалиги техникалари сотилишини маълум қилади:

Манзил: 111714, Тошкент вилояти Чирчиқ шаҳри Алишер Навоий шоҳ кўчаси 92-уй.

Мурожаат учун телефонлар: (+998 70) 716-21-58, (+998 97) 737-68-15.

e-mail: chzsk@mail.ru Хизматлар лицензияланган Махсуслотлар сертификатланган.

Qishloq hayoti

МУАССИСЛАР:
Ўзбекистон Республикаси
Вазирлар Маҳкамаси
таркибидаги ҳамда бошқа
дахлдор вазирлик ва
идоралар.

Бош муҳаррир:
Чори ЛАТИПОВ

Ҳабиб ТЕМИРОВ
(Бош муҳаррир
ўринбосари)

Раимқул СУЯРОВ
(Бош муҳаррир
ўринбосари)

Саҳифаловчи-дизайнер: Маркс ЮСУПОВ

ТАҲРИР ҲАЙЪАТИ:
Жамшид ХЎЖАЕВ,
Шавкат ҲАМРОЕВ,
Шухрат ТЕШАЕВ,
Муҳаммадҷон
ТОШБОЛТАЕВ,
Ақтам ҲАЙТОВ,
Ботир СУЛАЙМОНОВ,
Маҳмуд ТООИР.

Ўзбекистон Матбуот ва ахборот агентлиги томонидан 2009 йил 13 февралда № 0020-рақам билан рўйхатдан ўтказилган. Буюртма Г-1125, ҳажми 2 босма табоқ. Офсет усулида босилди, қоғоз бичими А-2.
Манзилимиз: 100000, Тошкент, Матбуотчилар кўчаси, 32-уй.
1 970 нусхада чоп этилди. НАШР ИНДЕКСИ – 144.

Телефонлар: Қабулхона – 236-26-50. Аграр масалалар бўлими – 236-26-47.
Хатлар ва жамоатчилик билан алоқалар бўлими – 233-76-78. Факс – 233-44-43, 233-09-93.
Реклама ва эълонлар – 236-26-50, 233-28-04. e-mail: info@qishloqhayoti.uz

Газета "Шарқ" нашриёт-матбаа акциядорлик компанияси босмахонасида босилди.
Манзили: "Буюк Турон" кўчаси, 41-уй. 1 2 3 4 5 6

Баҳоסי келишилган нарҳда.

ISSN 2010-7021



Босишга топшириш вақти: 21.00
Босишга топширилди: 19.30